

docriver 文川网
古籍书城
入驻商家
在文川网搜索古籍书
获取更多电子书

中國方志叢書·華中地方·第三五五號

據

清·多壽等纂修，清同治三年修
民國二十年鉛字重印本

影印


湖北省

恩施縣志

(一)

成文出版社有限公司印行

9/27/08



中國方志叢書·華中地方·第三五五號

據

清·多壽等纂修，清同治二年修
民國二十年鉛字重印本

影印


湖北省

恩施縣志

(二)

成文出版社有限公司印行

527108



10096934

中華民國六十四年 月壹一版

恩施縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

重印恩施縣志序

民國二十年予隨潘笑侯司令回里適逢楊經曲爲恩施縣長倡修縣志司其事者日以探討體例爲事久未成功予以體例應隨時代爲轉移從前舊志多偏重於考古對於土地之清查戶口之實錄物產之登記往往漠不經心缺少研究獨於人事之變遷詩文之著述備極詳盡重在表彰空名無裨實際予以縣政範圍除却土地人民物產人事而外別無設施新修縣志儘可分爲土地人民物產人事四編附以雜記一編便可完成初不必拘牽於體例之如何創設也予意既決當即搜求地理材料爲第一編編輯之始悉本舊志旁及私人紀載迨一經排列發見種種錯誤如山水僅詳於形狀道里亦多含忽氣候欠缺經緯渺茫且於崇山峻嶺之邊區概無紀錄予於巡視邊區期間深引爲憾原擬盡一年之力將縣屬全境實地考察後再行改編不意人事不許去冬忽又北來約計本縣縣志自經鄭渭川縣長於民六補印五百部後迄今恰二十年業無存餘予何時適返重修尙

恩施縣志 卷一 序

二

無確期倘不再印即此區區材料恐亦難保爰與尹君仲雅姚君勉之在平商籌照印五百部作爲將來修志之參考云爾

中華民國二十六年六月張闡村序於故都

補刊恩施縣志序

一邑之志乘一邑之文獻所繫也文獻之徵志乘是賴古者掌邦志有官祖龍燔詩書獨保圖籍鄉侯入關故得而收之若是乎國祚雖有改移邦志固無廢棄也施地介在蠻疆然秦漢以來久已列入版圖登諸郡縣文明所啓歷史可稽如巴蔓子之矢忠荒塋尙在尹道真之講學遺澤堪尋亭修問月李供奉之豪概如新橋訪登龍營詞科之文名獨冠以及名流顯宦畸士高人懿行嘉言筆不勝紀斯皆靈秀所鍾豈第山川生色已哉禔自丙辰初冬承乏斯邑下車未既卽搜求志乘而讀之見已殘闕不全遍訪都人士得其版片之所在庋藏勸學所中民國軍興防營駐焉亟商之軍事長官清檢舊板得什七八朽蠹半之因思此志成於同治初葉去今不過五十餘稔補綴尙易爰徵初印本校其脫勘其譌或旁采以正之郭公夏五間存闕文淮雨別風庶無疑誼匝月之間於舊志幸成完帙適奉

恩施縣志 卷首 序

二

部令廢續纂新徵請在籍鄉紳分門任事並函告宦遊於外者所欣又獻有徵計序程功殺青之期當不遠也謹書補刊之旨以爲之序丁巳仲秋秋月浙東鄭永禔渭川甫識於五福堂

序

將欲考歷代沿革之制昭後世法守之規則邑之有志由來尙焉然建置更則區索異土地闢則田貨異涵濡久則風俗又異援古證今爲治績光修志洵非易易也恩施在前代爲郡爲州爲縣變置已自不常迄

國朝改衛設縣隸府施南爲附郭首邑數十年休養生息沐浴

聖化其甚索之釐定田貨之蕃滋風俗之醇美更有蒸蒸日上者大令多君繼歲兩任斯邑見舊志或缺焉不載或略焉不詳有志修焉而未之逮甲子冬奉 方伯修志之檄適多君三莅斯土於

是舉其先後任之所見所聞者進諸邑宿而纂核之復又博採旁搜期於信今傳後草創甫正旋調任去接任羅君悉心參考踵竟其事書成以稿示余並問序焉余方銳意興廢閱其書文協體裁事符實錄洵足考歷代沿革之制昭後世法守之規曩日者

恩施縣志 卷首 序

二

聖天子探風問俗不遺遐陬凡以備掌故而資參稽者胥於是乎在則多君之有志竟成與諸君之
相與有成而余亦樂爲之觀厥成也於是乎誓

施南府知府夏錫麒撰

序

昔子朱子知南康下車卽首閱其方志論者謂爲知務蓋政治之得失於民風見之疆域既殊民皆各有其風氣以成其俗修政教者不備察夫盛衰升降之故亦安能得所利病而緩急輕重以布之此周官外史掌邦國之志所以爲後世攷政問俗計非徒繪其山川揚其辭華僅作雞次之典而已恩施在施郡爲附郭縣其地去省較遠舟車之所不通余自戊午樵檄入山卽取其舊志而一再讀之見夫山川道里之迷離田賦經制之同異風俗沿革之舛遺與見今所行者十不得其二三焉詢諸人士僉曰明季兵燹載籍無存僅有王氏衛志抄本一冊於前代沿流已不能悉張志修於嘉慶年亦未設局採訪惟就政府後約略言之無一語及於衛事者其他更可知矣羅氏府志載恩施一邑稍詳然王郡伯謂其略於近今猶非完書故捐廉延紳意將補其不及乃開局未久羅君以事去官王公亦繼觀察而行遂攜其稿於吳中付鈔實皆未成之書也今夫恩邑之志本不同於他邑他邑縣自爲縣詳一縣之事斯已耳恩施在前代爲郡爲州爲縣已自變置不常而省縣入州改州爲

恩施縣志 卷首 序

二

衛又改衛爲縣改縣爲府其間或屬郡治或屬州治或屬衛治作志者苟無體例以酌乎其中又於府志奚別余方欲與二三君子究厥指歸以補缺拾遺乃粵賊內竄戎事倥傯迄無暇晷同治初元防勦甫撤余又以調劇出山凡所欲見諸施行者迫不及待也甲子秋三蒞斯土時逢我 郡伯夏公勤政造十百廢俱修而蒞憲亦以修志之檄下諸郡縣於是諭集邑紳博采遐搜踵舊志而增修之雖不足爲一隅之完書然授之行人以上答

大憲之嘉命且以副 郡伯廢墜成修之盛德並質諸後之蒞斯土者雖或指余之固陋而例以子朱子下車闡志之義庶亦謂爲先務之當急也哉

同治三年歲次甲子孟春月障用同知直隸州知恩施縣長白多壽撰

序

星分翼軫地介衡湘上控三巴下通七澤溯沙渠之疆域考夷水之源流隸楚北之宏圖屬施南之首縣文瀾疊湧江光繞郭以流清秀氣特鍾峰影凌波而映碧視萬山兮雲布鳥道回環合六邑兮星羅犬牙相錯亭登問月仙人詩酒留名山對客星遊子鄉關誌感畫屏則丹巖排列文筆則翠嶂崢嶸湧龍洞之清潭波翻白石入麟溪之書院士萃青衿至若山號蟠龍池名洗馬樓登太白閣上澄清讀易巖邊時尋古蹟勸農臺上軫念民艱山疊疊兮連珠峯重重兮積玉名蹟原多可紀勝事亦足追尋雖盛美堪揚固在通都大邑而傳聞必錄不遺僻壤遐陬恩邑自改土以來設縣而後沐

帝德之深厚幸文教之漸彰採訪之力當勤紀載之書雖缺是故疆場之地紀其界山川之勝誌其名遠而昔賢何可湮其著述近而名士亦可記其留題志昭忠則大綱以舉勸忠之道以明志節孝

恩施縣志 卷首 序

四

則正氣常存教孝之情以篤而况山盤桓以毓秀水曲折以効靈文運漸近昌明人士頗增蔚起爰
合名區勝蹟互爲參詳懿行嘉言時加考訂採鴻文於藻翰行簡垂青列雁字於芸編松煙墨碧因
於已成之帙告竣之編檢閱霜晨辛勤不憚參稽雪夜子細維殷恆慮晉豕之訛深辨魯魚之誤創
河嫌草尙祈修飾有資辭苦不華更須潤色爲待是爲序

同治七年歲次戊辰仲春月

鹽運使銜儘先補用府權施南府事潯陽吳久安撰

序

邑志之成豈易事哉夫惟王者混一車書定疆索均賦稅易服色辨厥制度等威率土之內悉生悉臣是遵是循罔敢自外夫是以有分土無分民垂諸史冊昭示來茲永永萬年炳若日星焉然而五方之生齒不齊習俗各異其間版圖之廣狹山川之夷險物產之盈虛與夫衣冠蒼萃言語嗜好田夫野老之遺軼文人學士之謳吟各自爲風蕃變百出誠有非史冊所能備載者故夫修志之與修史其體雖殊而其功實相羽翼而不可偏廢者也邑志之成豈易事哉丁卯仲秋余由臺郎出守施郡仰體

聖天子丕冒無疆軫念元元至意下車後卽訪耆老采風俗取邑志而閱之見其序載精詳體裁明密足備一方之文獻復恐亥豕魯魚有乖大雅更加參訂悉心去留付諸梨棗以符信史之義是稿草創於前今多君踵成於繼任羅君而折衷於前守夏雲舫先生余竊嘆諸公之不辭勞瘁有志竟

恩施縣志 卷首 序

六

成而又先獲我心之爲快也至於修志之原委舊籍之廢與蒐討之勤涉獵之久則前序已詳言之矣茲不復贅是爲序

舊志稿姓氏

明

沈 慶僉事聘士修志

彭 鏞 衛廣文

黃 溥 田嶺臬謫衛經歷

高維勉 衛廣文

葉庭蘭 建司訓沈僉事聘修志

王 聰 衛廣文

鄒維璉 史部郎謫戍施州

龐一德 衛廣文

童 某 衛指揮靖州參戎

施 縣 志

卷首 姓氏

七

docsriver 文川网
入驻商家 古籍书城

在文川网搜索古籍书城 获取更多电子书

恩 施 縣 志 卷首 姓氏

童希益 衛岸生

李一鳳 衛岸生

鮑揮金 衛岸生

鄧宗啓 衛岸生

周 鎬 衛岸生

張延齡 衛岸生

按諸家志稿兵燹之後無一存者

童天衢 衛岸生

唐 箴 衛岸生

國朝

王封鎮 衛岸生

按三家志稿宋司訓修志時猶存今僅得王志抄本餘佚

宋 證 恩施訓導乾隆二十一年輯府志四卷未刊

李宗汾 府學訓導乾隆四十二年輯修府志八卷未刊

羅德琨 施南府學訓導道光十七年知府王協夢命續修府志開局旋止
未經採訪王公觀察吳中手訂開雕今得藉爲粉本賴有此書

張家楹 恩施縣知縣嘉慶十四年纂修縣志

恩 施 縣 志 卷 首 姓 氏

一〇

恩 施 縣 志

凡例二十四則

一地理莫先沿革蓋疆域山川人物皆由沿革而定不比天文分野星蜀地楚可縣推也羅子峯先生府乘考據較詳然以施爲廩君國雖本漢史而多疑惟溯始於周其間雖有因革損益而考核必求其確

一疆域爲制治之區恩施於周爲巴子國漢以後編入郡縣原屬內地因與諸夷接壤人多日爲蠻疆故方域不可以不辨凡東西所交南北所極周圍道里之數胥圖繪而區別之

一恩施與夷爲鄰歷代多遭兵燹故著志不下二十家概就亡佚在明僅存王封鎮衛抄備一册後有宋鰲志李宗汾志羅郡博藉爲粉本尙有從其略者今廣加採訪凡山形水源悉爲增入仍復刊正其謬一至於一是

一津驛站市鎮橋梁爲軍旅所必經宦遊所必歷蓋迢遞關山不無迷途之歎惟標舉其名詳註其相距之里斯開卷豁然

一志建置最重防衛恩邑地多險峻凡卡砦之設前代無聞焉自咸豐年間防塔所建者業已佈邇黃巾矣使當事者於平時飭民積石葺棚於山隘之間如葦布星羅斯外侮無從飛入

一學校甄陶人材以儲國用奈士艱遠試致科第寥然得賢令尹振而興之平日勤於課試膏火有需臨時禮以資與資斧有藉遂使家絃戶誦爭自濯磨邇來人文蔚起鄉會聯翩則知作養培植之功其由來者漸也

一志列官師年表以便推查庶使任次先後無不瞭如至若清廉之吏慈惠之師有功德於民傲東漢循良列傳意分別各立小傳備載善迹以示勿誼

一施在歷代爲州爲郡廢置不常雖屢設縣僅傳隋代李超爲清江令餘胥無稱焉大抵徽服遐邦外控蠻疆內攝縣治望隆刺史郡地即縣地郡官即縣官也故恩施職官志明以前可統州郡籍之逮改衛爲縣便當躡度無侵

一武職爲武備非守土也施南協鎮中營都司分轄恩建兩縣汎兵非一邑所得而私也查駐防恩施者僅把總一職只合類記存城崔孺諸汎官求詳也非略也

一際寇賊猖獗之時資防禦爲保障咸豐以來吳楚州郡慘遭蹂躪恩邑獨屬安全皆賴官紳竭力士民效忠允宜備紀防禦勤勞昭茲來許願必詳徵檔案庶免傳述之訛

一志人物書爵里著賢良也述行事昭則儆也漢唐迄宋詎少孝恭貞廉之士無如典亡雞次望古爲勞惟就耳目所及遞著於篇然皆蓋棺論定彼生存而未睹晚香者概未敢闖入

一人物之品類不一有方開綴學素履無愆者有文章華國品重儒林者更有生不踐迹之人雖曰未學其善行亦不可湮若夫白圭之玷大雅弗欽雖負盛名究不登載

一紀人物爰依楚國先賢傳襄陽耆舊傳爲各立小傳以傳其嘉言懿行俾後之觀感者慨然興起於善以想見其爲人則其記事宜真撰言宜直其體例自不嫌繁簡之異觀文質之岐見

一忠孝節義之事往往有愚夫愚婦爲之而幾於道者其庸行本足多也使弗亟稱之則人將視爲西家愚矣世有刮肝剝鼻之流於庸也而奇之行雖驚人而實不可爲訓故書闕無稽焉今志鄉里庸行而附奇行於雜記伸此屈彼俾知免易而捐難

一制度必先典禮府志僅詳官師而閭閻從略焉謹遵

大清通禮凡著令於士民者敬錄之俾士民知所率由亦顯蒙寡過之一助也

一太史採風貞淫雜錄令觀風者知所維持聞風者知所興戒恩邑五方雜處相習成風較列郡尤推純厚允稱易治之邦爰爲縷述叢編所謂觀於鄉而知王道之易易也

一四方流寓必須如仲宣依劉少陵居蜀方爲可稱然名流遠宦萍繫清江所當把臂題襟以標芳躅

一范蔚宗傳列女搜次才行不必一擗在方隅較難其選惟據舊志節孝一門續之俾寡嫠孀媪揚徽彤管除題請

旌表外凡有以節孝稱者俱付善善從長之例他如才擅閨秀賢堪姆儀間一登入以見睢麟之化覃及遐方也

一斑史藝文志專紀著書不載文什嚴體例也但百里之撰述難語一朝之著作故各郡邑志惟取學人記叙才士謳吟以徵文風之炳蔚要必有關於山川風土人物始登之

一禎祥災異春秋有書載之亦可以供考證之資在天垂象亦在地成形也至於山川之變禽魚之妖花木之異山陬岩域間或有之然必就見聞所及墨誌其真

一傳引神仙之事似屬荒幻然世恆以隱逸當之蘇長公疑黃石必秦時隱君子是也惟宋無忌之兒妖徐阿尼之貓鬼驅禳無術則害中於人雜誌引載制禦之法不過方相揚楯太陰彎弓意耳事關防邪非敢語怪

一亥豕魯魚之謬換羽移宮之譌承其後者烏能無辨考前志所載遺誤良多正其譌所以存其真也

一茲編之輯原由吾楚大憲當干戈戢寧候矜憐捐軀義士死節貞媛乃檄郡縣修纂志乘俾毋湮沒邑侯聘召諸儒共襄其事而自總其成析爲六十門總爲十二部旨茂辭繁要不外於顯忠良昭法則凡文律義類胥鑒定於郡伯夏公然後折衷於一是

一恩邑原有縣志修自張小滄明府以及南來諸幕友急就成章邑人士罕有與其事者登載尙多



恩施縣志 卷首 凡例

一六

遺漏羅公府乘探源刊謬蒐討縹緲乃王松廕太守猶惜其詳於古而略於今茲本羅志而式廓之搜岩取幹披榛探闢用恢舊緒於前賢雖慚文義寡常而彙輯以成書編爲六冊猶有乘

云爾

恩施縣志目錄前引

鄭漁仲有言志之大原出於爾雅詳浮言略事實皆未足盡爾雅之義班彪稱史遷述序事理辨而不華質而不野范曄表壽志辭多勸誡明乎得失有益風化三者俱有取焉尋源索流循名核實則沿革山川形勢輿圖古蹟陵墓期無紊也志地理一綱紀山川敷政有基志建置二納民於軌物以齊上下以和神人志典禮三天地生材庠序養之舉善教不能作人即可以勵俗志學校四風教之善關主持焉故爲政在得人志官師五書曰安民則惠衛之即所以安之也志武備六水火金木土穀惟休地利與焉志食貨七同處風俗通觀其同不觀其駁維其醜不維其儉志風俗八周官三升虞書歷試岩壑之產邦家之光志選舉九一鄉有賢士觀感咸繫於斯型方訓俗庶克相助爲理志人物十梅桂儷夫松筠蓋外著英華而內秉貞烈者也故列女附於人物舒文廣輿華敷揚事理杼軸性情志藝文十一危言日出禁樹可珍爲說林爲談萃志雜記十二

恩施縣志 卷首 目錄

一八

見施(一)注

上

恩施縣志目錄

卷之首

序文 舊序 姓氏 凡例 目錄 各圖 聖制

卷之一

地理志

沿革 疆域 形勢 星野 山川 古蹟

卷之二

建置志

城池 公署 倉庫 積貯 關隘 坊市 村集 里甲 津梁 鋪遞 祠寺

卷之三

典禮志

恩施縣志 卷首 目錄

docsriver 文川网
入驻商家 古籍书城

在文川网搜索古籍书城 获取更多电子书

恩施縣志 卷首 目錄

壇廟 儀注文廟祀典源流附

卷之四

職官志

文秩官 名宦 去思 廉俸 廉銀役食並載

武秩官 營制 俸餉

卷之五

學校志

學宮 學額 學田 考棚 義學 書院 資興

卷之六

食貨志

戶口 田賦 賦役 雜稅 鹽引 蠲政 物產

卷之七

見卷(一) 37

風俗志

地情習尚

卷之八

選舉志

科貢

保舉

仕籍

武勳

封贈

世襲

卷之九

人物志

鄉賢

行誼

忠義

孝友

列女

流寓

方拔

釋氏

卷之十

藝文志

文

恩施縣志

卷首

目錄